

**CENTRALNA BANKA
BOSNE I HERCEGOVINE**

Broj: UV-150-01-1- 441-4/19 SM
Sarajevo, 31.01.2019. godine

Na osnovu člana 70. st. (1), (3) i (6) Zakona o javnim nabavkama («Službeni glasnik BiH», 39/14), člana 49. stav (2) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine i člana 13. stav (2) Pravilnika o javnim nabavkama, broj: UV-122-01-1-11/18 RJ od 30.01.2018. godine, Upravno vijeće Centralne banke Bosne i Hercegovine na 1. sjednici od 31.01.2019. godine, donosi,

ODLUKU

o izboru najpovoljnijeg ponuđača u postupku javne nabavke usluga – održavanje sistema za žirokliring, putem pregovaračkog postupka bez objave obavijesti o nabavci

Član 1.

Centralna banka Bosne i Hercegovine (u daljem tekstu: Centralna banka), dodjeljuje ugovor za nabavku usluga – održavanje sistema za žirokliring, putem pregovaračkog postupka bez objave obavijesti o nabavci, ponuđaču: HALCOM d.d., Ljubljana, Republika Slovenija, na period od sedam mjeseci od 01.02.2019. godine do 31.08.2019. godine, u svemu prema konačnoj ponudi, broj: 42271-1-1/19.

Član 2.

Ponuda ponuđača iz člana 1. ovog ugovora iznosi:

157.248,00 EUR

(slovima: stopešesetsedamhiljaddvjestočetredesetosam EUR i 00/100).

Član 3.

Centralna banka će, po sticanju uslova za zaključenje ugovora po osnovu Zakona o javnim nabavkama, s izabranim ponuđačem iz člana 1. ove odluke zaključiti ugovor za čije se izvršenje zadužuje Odjeljenje za platne sisteme Centralnog ureda Centralne banke Bosne i Hercegovine (u daljem tekstu: Odjeljenje za platne sisteme).

Član 4.

Centralna banka Bosne i Hercegovine će o rezultatima provedenog postupka javne nabavke obavijestiti ponuđača.

Član 5.

Za realizaciju ove odluke zadužuju se Odjeljenje za javne nabavke, Odjeljenje za platne sisteme i Odjeljenje za bankarstvo Centralnog ureda Centralne banke Bosne i Hercegovine

Član 6.

Ova odluka će se objaviti na web stranici Centralne banke www.cbbh.ba, istovremeno sa upućivanjem obavijesti ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama („Službeni glasnik BiH“, broj: 39/14).

O b r a z l o ž e n j e

Centralna Banka Bosne i Hercegovine je provela pregovarački postupak za nabavku usluga – održavanje sistema za žirokliring, putem pregovaračkog postupka bez objave obavijesti o nabavci, a koji je u skladu sa članom 21. stav (1), tačka c) Zakona pokrenut Odlukom, broj: UV-150-01-1-118/18 SAK od 27.12.2018. godine. Shodno navedenom, Centralna banka je na svom web portalu objavila Tendersku dokumentaciju – poziv za dostavljanje ponuda, broj: 150-15-4-3086-4/18 DM od 31.12.2018. godine za ovaj postupak javne nabavke, te je ista dostavljena ponuđaču „HALCOM“ d.d., Ljubljana, kako bi učestvovao u ovom postupku javne nabavke.

Predmetni ponuđač je dostavio zahtjev za učešće u ovom postupku, te je također dostavio i početnu ponudu.

Nakon održanih pregovora ponuđač je dostavio i konačnu ponudu u iznosu iz člana 2. ove odluke.

Komisija je izvršila pregled i analizu dostavljene ponude te je u svom Zapisniku o pregledu i ocjeni ponuda, broj: 149-15-4-286-5/19 od 24.01.2019. godine, konstatirala da ponuda navedenog ponuđača ispunjava sve postavljene uslove – zahtjeve, koji su navedeni u tenderskoj dokumentaciji za ovaj postupak javne nabavke, te je u Izvještaju o radu komisije s Preporukom broj: 149-15-4-286-6/19 od 24.01.2019. godine dala preporuku za donošenje odluke, kao u članu 1. ove odluke.

Pouka o pravnom lijeku:

Protiv ove odluke može se uložiti žalba u pisanoj formi, Centralnoj banci, u roku od 10 dana od dana prijema odluke o izboru najpovoljnijeg ponuđača.

Predsjedavajući
Upravnog vijeća Centralne banke
Bosne i Hercegovine

GUVERNER
dr. Senad Softić



Dostaviti:

- Uredu guvernera
- viceguvernerima
- Uredu glavnog internog revizora
- sekretaru Uprave i Upravnog vijeća
- Odjeljenju za bankarstvo (original)
- Odjeljenju za platne sisteme
- Odjeljenju za ljudske resurse
- Odjeljenju za javne nabavke (original)